

Hopman Reed

Entrevista ku Elvis Reed Lider (Hopman) di Grupo di Skout Peter Stuyvesant Grupo 4
Hopman huntu ku su Skoutnan ku ta parti awa durante karedanan di RRCK.



Grupo Sint Antonius, Sta. Maria Skout tabata duna awa durante e karedanan di RRCK. Nan ta hür un trük grandi bèrdè di JCC pa transportá e jugnan.

E grupo aki no por a sigui ku e servisio aki i a pidi Hopman Elvis Reed di Grupo Peter Stuyvesant pa tuma ofer.

Asina Hopman Reed ku su Skoutnan a kuminsá yuda RRCK duna awa na e koredónan na aña 1986

E delaster biaha ku grupo Sint Antonius a parti awa, Hopman Reed i su Skoutnan a partisipá huntu ku nan, pa wak presis kon e kos ta bai. Esaki tabata Grupo Peter Stuyvesant su promé kareda, nan tambe a hür e trük grandi bèrdè pa transportá e jugnan, pero a ripara ku esei no ta kumbiní i a kuminsá usa pikòp kual nan ta usando te ku awe.

Skoutnan entre 13 pa 18 aña e anochi promé ku un kareda, djasabra anochi, ta keda drumi na nan Klubhuis. For di 9'or di anochi e Skoutnan ta bin i e lidernan ta organisá eventonan, p.e. spoor zoeken, avondbijeenkomsten òf movie nights pa tene nan okupá.

Semper nan ta mashá entusiasma pa partisipá. Un Skout ta kuminsá yuda ku 13 aña te ku nan 18 aña. Ku 18 aña basta di nan ta bai Hulanda pa studia òf nan ta bira lider aspirante i nan ta sigui yuda. E trayekto di yuda parti awa di kada hóben ta 5 aña ku RRCK. Tur tin bon rekuerto di RRCK. Nan ta saka portrèt, nan ta eksperensia kosnan dibertido.

Den e trayekto aki tambe tabata tin e aksidente kaminda outo a dal tres koredónan. E dia ei tabata tin na e sitio di suseso kuater mucha i Hopman Reed tambe tabata na e sitio. Hopman Reed a duna promé asistencia i mester a grita masha pa e hendenan yama e ambulans ku ta para mas leu pa bini.

Esaki tambe tabata un eksperensia hopi impaktante riba e muchanan. Nan a haña 6 luna terapia despues di e aksidente. Dos di

nan a bira lider i te ainda nan ta papia di e suseso.

RRCK a biba ku e organisashon, Hopman Reed a bisa. E muchanan ta papia di dje den nan evaluashon di nan trayekto ora nan kaba nan periodo di ta partisipá dje programa ku 18 aña.

Semper nan ta papia masha bunita di tur e koredónan. Kada grupo di team di Skoutnan tin nan ambiente, hopi ta pèp òp e koredónan. E eksperensia ku RRCK ta hopi bunita. Nos ta wòrdu rekonosé. Nos Skoutnan no ta wòrdu abusá. Ora kaba ta e Skoutnan mes ta ruim òp. E muchanan no ta sinti nan mes ménos, pa limpia kaya òf limpia kura.

Un kos ta, e komunidad no ta tene kuenta ku nos. Nan ta pita, skuer i grita nos. No tin sentido di humanidat na Kòrsou. E manera ku ta trata otro no ta síviko. Ta ònbeskòp i ta hasi rof.

Tur e djadumingu di kareda ta leuk. No ta hasi nos trabou, pero Hopman Reed ta fungi komo "hekkensluiter" tambe i ta tene kontakto ku ambulans i polis ora ta nesesario. Nos grupo ta bira un, Ambulans, Polis, Hopman Reed i e partisipantenan. Si un hende kansa i no por sigui mas, i si Ambulans no por transporte, Hopman Reed mes ta hib'e te finish.

E karedanan di mas difísil ta Schottegatloop i final di Fatumloop.

Fatumloop ta un desaster, e partisipante hóbenan ta tira otro ku awa.

Na final no tin nada regla pa nos, ni awa, òf algu pa kome. Nos tin ku dreña último, paso Polis no ta laga nos pasa den e multitut pa motibu di seguridat. Na Fatumloop e atenshon pa nos no tei.

Pero e karedanan ofisial di RRCK asina nos yega, nos pan ta kla. Nos ta haña sòpi si tin etc. etc. Aunke ku nos ta risibí un fee, (kual esaki ta wòrdu usa hopi biaha pa hasi

aktividadat ku nos Skoutnan), mester kòrda tambe ku e Skoutnan fo'i mainta trempan ta riba pia na e pòstnan mei ora promé ku kareda Sali. Nos no a kome ni bebe nada te ora nos dreña paden.

E kareda ku nos ta gusta mas tantu ta schottegatloop. Aunke e ta tin biaha peligroso pa traha tur dos banda di kaminda, Ora e koredónan pasa e kanadónan ta bin. Nan ta kana tur dos banda di kaminda. Awor si kayanan ta wòrdu será i nos ta hopi kontentu ku esaki. E muchanan ta gosa pa por dominá tur dos banda pa e kanadónan haña awa. Nan ta topa famia i konosí.

Hopman Reed ta masha orguyoso di por sirbi. Nan ta hasié pa e muchanan i e ta tambe un servisio pa komunidad

Karedanan ku nan a gusta mas ta:

- Ku Schottegatloop ta semper riba dia di Tata
 - E karedanan off road, manera Barbara Beach loop, Banda Ariba na sta, Catharina,
- Pero awor no tin masha kareda off road mas. Finalmente Hppman Reed ta bisa ku RRCK no mester stòp. Si mester di yudansa pa un òf otro por semper aserka nos Grupo.